

Na osnovu Odluke Uprave JP „Međunarodni aerodrom Tuzla“ d.o.o. broj: 01/I-1242/16 od 13.09.2016.godine, JP „Međunarodni aerodrom Tuzla“ d.o.o. objavljuje:

**JAVNI POZIV
za dostavljanje ponuda za otkup dreniranog goriva**

I - Predmet Javnog Poziva

Predmet javnog poziva je prikupljanje ponuda za otkup dreniranog mlaznog goriva (drenirano gorivo za mlazne motore tipa JET A1 - avio gorivo).

Drenirano gorivo nastaje iz čistog avio goriva za mlazne motore tipa JET A1, na kojeg su plaćene sve takse prilikom uvoza, odnosno akciza i PDV.

Drenirano gorivo nastane tako što se dnevnim i periodičnim pregledima odstranjuje određena količina avio goriva iz tankova cisterni ili dijelova opreme na kojima se vrše pregledi. Ukoliko odstranjeno avio gorivo ne ispunjava kvalitet ispravnosti za pružanje usluga (točenje) u zrakolove, odstranjuje se i tretira kao drenirano avio gorivo. Ipak, isto zadržava svoje hemijske sastave, ali dobija veću količinu vode nego je dozvoljena za korištenje u avijaciji a može imati i manja mehanička onečišćenja koja se javljaju pri testiranju avio goriva i opreme, koja se koristi za skladištenje i manipulaciju avio gorivom JET A 1.

Iako se drenirano gorivo dalje ne smije koristiti za servisne usluge aviokompanijama, može se odgovarajućom filtracijom ili drugim metodama koristiti u neke druge svrhe.

Početna cijena dreniranog goriva po litru iznosi 0,50 KM.

Sa izabranim ponuđačem zaključit se Ugovor o sukcesivnom otkupu/odovzu dreniranog goriva na period od 1 godine.

II – Uslovi za učešće:

Pravo učešća imaju pravna i fizička lica iz BiH koja svoje ponude (zapečecene koverta) dostave putem pošte ili neposredno na Protokol JP „Međunarodni aerodrom Tuzla“ d.o.o.

III- Sadržaj ponude:

Ponuda treba da sadrži:

- a) Naziv ponuđača sa tačnom adresom i kontakt telefonom
- b) Ovjerenu fotokopiju rješenja o upisu u sudski registar sa svim pojedinačno priložima i ID za pravna lica ili kopiju lične karte za fizička lica
- c) Potrebno je navesti podatke kako slijedi:
 - cijena po litru (jedinična cijena) bez uračunatog PDV-a izražena u KM
 - iznos PDV-a
 - Ukupna cijena sa PDV-om izražena u KM
- e) Izjava ponuđača kojom se obavezuje da, ukoliko bude izabran, pristaje da način plaćanja bude 100% avansno prilikom svakog odvoza.
NAPOMENA: Odvoz/otkup dreniranog goriva obavljat će se shodno potrebama i prioritetima aerodroma naspram frekvencije i obima zračnog saobraćaja, a najkasnije u roku od 24h od dana dostavljanja pisane obavijesti o potrebi odvoza/otkupa istog..
- f) Izjava ponuđača da će snositi sve troškove u slučaju štete ili ugrožavanja aerodromskih kapaciteta, načinjene prilikom odvoza/otkupa dreniranog goriva.
- g) Izjava ponuđača da je opcija ponude: 30 dana

IV – Kriteriji

Kriterij za izbor najpovoljnije ponude:

- najviša ponuđena cijena

V – Podnošenje i otvaranje ponuda

Zapečaćenu (zatvorenu) ponudu, sa naznačenom punom adresom ponuđača (na poleđini omotnice) dostaviti sa naznakom: “NE OTVARATI – PONUDA PO JAVNOM POZIVU ZA OTKUP DRENIRANOG GORIVA”, putem pošte ili putem Protokola na slijedeću adresu: JP „Međunarodni aerodrom Tuzla“ d.o.o., Gornje Dubrave bb, 75 270 Živinice.

Rok za podnošenje ponuda je: **20.09.2016.godine do 12:00 sati.**

VI – Ostale odredbe

JP „Međunarodni aerodrom Tuzla“ d.o.o. ne snosi nikakve troškove ponuđača u postupku javnog poziva, te zadržava pravo da prihvati ili odbije svaku ponudu, poništi oglas ili odbije sve ponude u bilo koje vrijeme prije sklapanja ugovora i pri tome ne snosi nikakvu odgovornost prema ponuđačima niti je u obavezi objasniti takve odluke.

U cilju eventualnih razjašnjenja i nejasnoća iz ponude mogu se pozvati određeni ponuđači da u toku razmatranja ponuda, a prije donošenja konačne odluke o izboru najpovoljnije ponude daju dodatne informacije u vezi dostavljene ponude.